

四庫全書

集部

欽定四庫全書

集部

粵西詩載卷十六

詳校官庶吉士臣瑚圖禮

主事銜臣徐以坤覆勘

總校官庶吉士臣朱 銓

校對官庶吉士臣吳裕德

謄錄舉人臣龔秉震

欽定四庫全書

粵西詩載卷十六

桂林府通判汪森編

七言律

至桂林

桑悅

桂林周西北山囚碧玉簪空不盡頭  
夷獍漫憑為窟宅  
編氓難墾作田疇  
常時殺掠連雞犬  
累歲征輸剩馬牛  
欲爨扶桑將石煮  
盡鎔疊嶂化東流

登柳州城

城上陰雲向曉開，登臨懷古興悠哉。  
驚山矗矗劉蕡節，潯水滔滔子厚才。  
一代高明人共仰，千秋遺跡我重來。  
明春得遂歸田約，日抱遺經卧草萊。

同柳州守柳廷文練民款

西廣呼民  
兵為款

朱盧阜甲盡貔貅，呼噪潯江水倒流。  
自古農夫皆戰卒，于今太守即諸侯。  
兩行旌旆依山麓，千騎弓刀擁道周。  
老倅幾番陪簡閱，醉歸剪燭看銀鈎。

予既調柳憲長林君待用以書來云柳州山林子  
厚為之出色今付公矣作詩答之

三載星沙作宦遊每逢山鳥話綢繆鵲知我行不得  
杜宇勸人歸去休泛月詩成湘水夜看雲興入大瀉秋  
安心此日無言語肯與宗元競柳州

洛容道中

兵戈瘡癘與流亡物耗民消賊更强不向窮邊觀世界  
誰知吾郡實天堂關心村落無安土引興山林盡戰場

爭似開尊湖泖曲畫船簫鼓水雲鄉

羅城縣即事

小小鬻官接縣衙蠻烟瘴霧日昏遮空城圍徑無半里  
破屋周遭有數家應役可堪人似鹿打讎常報賊如麻  
四山茅草連荆棘春盡何曾見落花

趨墟

憧憧來往趨墟辰細嚼檳榔血點唇花布抹頭多獐老  
青巾撮髻是軍人束來甘蔗如修竹老去藤香作降真

夷俗不知文化近何時弓弩暫離身

同把總指揮苗廷珍撫夷至鶯頸隘宿獐人頭目  
寨即事贈廷珍二首

章甫真投換戰袍參隨熟獐與生猺村墟有室皆藏甲  
道路無人不佩刀枯寨忽逢甘雨降重山似覺陣雲高  
將軍號令軍門肅更鼓聲遲夜寂寥

仗劍叨陪閩外遊隨行健卒勝貔貅一方險隘名鶯頸  
萬里封侯屬虎頭坐困羌夷非戰伐來威荆楚在謀猷

徙薪曲突成何事幸免空山獠鬪餓

登南薰樓

長夏倚樓無限好殷勤南陸薦涼颼天星欲近非無意

古咏樓詩云手可摘星辰又星好風山雨將來自有期殿閣稍離分苦樂

古詩一為居所移苦樂永相忘簾櫳間入混雄雌宋玉大風賦有雌雄風之說乾坤

萬物潛孚長俯視渾疑太古時

寓梧州府水井寺日久人呼為有髮僧者作詩一

笑



野寺盤桓當住持平生罷憫即慈悲誰云寂滅真堪樂

自識貪嗔實是癡立見明星那有悟

釋迦見明星而悟道

坐依閒

壁豈無為

達摩九年而壁

山僧不用留衣別幸免人呼兩退之

### 過十二磯

在梧州

亂石危磯急瀨聲扁舟汎汎水中萍月當秋夜十分白  
天到遐荒一樣青引路哨船鳴鼓吹前山軍堡出旗旌  
回頭便有開懷處無數峯巒列翠屏

### 記撞俗六首

動講襄公九世讎通情洗面只償牛

以陪禮為洗面

親鄰相助

歌迎鬼

冬月歌舞迎鬼賽神殺牛豕數十親鄰各攜牲口來助

男女分行戲打球

赴敵護頭裝鳳翅占疑隨手擲雞頭幾回緝事軍先覺

木刻傳村有別謀

飲食行藏總異人衣襟刺繡作文身鼠毛火淨連皮炙

牛骨糟酣似酒醇小語相侵隨致怨清歡互答自成親

謂唱歌為唱歌

趁墟亦有能裋東數朵銀花綴網巾

山深路遠不通鹽蕉葉燒灰把菜醃女髻風鬟純黑綰

男頭雨笠盡紅尖租田亦與人分榔

民夷皆云分禾為分榔

摘穗

惟將手當鎌間有十冬驅賦役欲詢無計召交譚

柳人名排

年里長為十冬

村村竹木占山鄉屢殺人民似犬羊冬盡水乾兼送哨

春來箐密喜裴塘能通官語惟村老慣結同年是熟商

稱相交者為同年

夫子居夷心一片清燈閒坐細思量

除夜雙盤貯鷓鴣清晨蟻集看如何

除夜置油炙鷓鴣二盤于地早看集

黃蟻多則軍強黑蟻多則獐強

斫牛伏地心先動

斫欲行却以利刃斫牛跳躍則止

牽犬

登山樂事多毒藥煎成封弩箭純鋼煉就作干戈殺人

每講陪頭物有數從來實不孚

如講十牛凡羊豕俱當牛

姓同處處是華宗

稱同姓者為華宗

朝甫先加老喚公

初明朝某長名

甫某老名公某

三界有靈焉助虐諸馮非祀肯相容只將刼奪

為生理亦以均分示至公誰把峯巒齊一剷平疇萬里

盡歸農

詠佛桑花

南無麗卉鬬猩紅淨土門傳到此中欲供如來嫌色重

佛經以色相見  
我不能見如來  
試藏宣聖訝株同  
子曰賜也安知不葉

深似有慈雲擁藥拆偏禁慧日烘賞玩何妨三宿戀  
十四

二章云桑下一宿慎勿再  
只愁燒破大虛空  
東坡詩焰燒空紅

桑佛

### 追頌山總兵

萬韞輝

建牙分閫擅雄名坐掃蠻烟嶺表清  
犬吠深村無夜警  
農歸廢隴有春耕  
前軍星落生涯盡  
故壘雲屯殺氣橫  
推仰英風崇廟祀  
椒漿時薦遠人情

思恩惠泉

黃 堦

溪流引綠度城陰  
城郡嵯峨鎮古今  
新汲萬家歌永惠  
靈泉一派本無心  
雞山空羨潮源湧  
南劍何須乳味深  
太守作亭仍揭扁  
春風千里啟仁襟

送姪拯之梧州通判任

章 懋

阿咸謫倅蒼梧郡  
骨肉相看悵別離  
皓首稀年吾老矣  
修途六月子何之  
須防馬援遭薏苡  
且學東坡噉荔枝  
到手功名當努力  
龍岡猶待樹封碑

雲山筆架

盧瑞

五老峯排玉一聯拂雲高聳泮宮前  
晴舒仙掌綠橫野  
光露朝簪青插天地濶  
直饒銀管並草深疑有兔毫連  
知誰先得江淹夢閣取生花筆似椽

桔亭翠柏

元戎勲業鎮邊城  
祠宇森森古柏榮  
翠黛侵窓蠻雨息  
綠陰籠砌瘴烟晴  
出林香氣風前散  
送晚鐘聲樹裏鳴  
好是將軍堅節操  
百年遺愛有餘清

古洞仙踪

翠壁丹崖石徑重  
薜蘿深處寄仙踪  
棊殘未徹花邊局  
鶴化還留島外松  
種玉田荒秋草裏  
燒丹竈冷晚雲中  
遊人欲問參同契  
塵俗無因見葛洪

懷集即事

黎 鼎

四郊終日見旌旗  
州縣安寧未有時  
自信鷹鷂愧鸞鳳  
却拋豺虎問狐狸  
朝廷西北恩常洽  
蒸庶東南力已疲  
衣豸乘驄何事業  
忍聞村巷苦寒飢



遊鐵城

梁 益

踏破蒼苔一徑幽  
人間信是有丹丘  
雲開鐵障千尋碧  
泉落嵒扉六月秋  
仙鶴護巢塵不染  
青牛出峽迹空留  
遙聞絕頂飛霞佩  
疑是羣真拜玉旒

聳雲樓

袁 賓

百里城中百尺樓  
高明直欲冠南州  
九疑山色天邊到  
五管雲容席上收  
杜老壯懷多暇日  
元龍豪氣冠清秋  
古今俯仰無窮意  
懷水東南晝夜流

柳山次韻

張潔

山為徒御水為騶自信閒行得勝遊徑畔野花頻換歲  
崑前老檜獨禁秋壺觴弔古伊人遠絃誦升堂見道不  
一笑浮名成底事勞勞宦海任藏舟

都嶠山

李政

洞天三十在人間都嶠原來第幾山絕頂高凌紅日近  
回巖深鎖白雲閒飛泉遠石傷心麗芝草桃花滿目斑  
遊罷清風生兩腋匆匆歸路又催還

七星巖

伍芳

巉嵒怪壑倚層空，虛敞還憑造化功。  
人迹往來無伏虎，山靈出沒有潛龍。  
峯聯北斗朝衡嶽，地枕東江隔華封。  
便欲凌風問仙子，不知騎鶴許相通。

送張黃門經載兩廣盤糧

程敏政

手持黃紙下紅雲，祖席東風酒半醺。  
總道使華當盛選，誰將邊粟付虛文。  
行程烟火蠻中市，候館旌旗嶺外軍。  
青瑣再登知隔歲，阜囊頻送九重聞。

都嶠山

潘洪

凌雲嶺嶠幾層層  
陟磴捫蘿不易登  
巖洞荒涼空有佛  
石林頽敗已無僧  
雨添深澗流泉出  
松蔭微涼徹暑蒸  
謾住征驂閒坐久  
頓令心鏡自淵澄

送江淮陳經歷謫官廣西宜山

莊杲

天涯莽莽著行舸  
得把離觴醉不歌  
萬里瘴烟那此送  
兩京戎幕本誰過  
斯民福總宜山厚  
世路堆何灩澦多  
我有東籬黃菊贈  
秋風欲採奈愁何

鬱林即事

黃 鎬

鬱林城抱大容山水色山光指顧間雲起幽巖勾漏洞  
馬經險道鬼門關空舟郡守名猶在跨鶴仙人去不還  
石柱烟消烽火息伏波威望壓諸蠻

送戴員外出守桂林

吳 寬

子有長才早致身仕途隨處是通津六千里外桂林郡  
十五年前杏苑人出守要知從古重作官何幸與民親  
昌黎亦羨登仙去詩裏驂鸞句尚新

送蔡太守赴南寧

五馬齊驅雪蹟深  
除書新領荷綸音  
地偏正倚東南事  
天遠須懷咫尺心  
陸績清名惟載石  
蔡邕高調豈彈琴  
春風驛使應多便  
擬報諸蠻總獻琛

蘇太守死節

蘇志

黎冕

斷雲殘照接三湘  
七里坡前舊戰場  
太守何慚真烈士  
靖州原是古桐鄉  
科名一代風雲外  
節義千年日月光  
砥柱中流知有幾  
史臣端為表綱常

送房參將

吳儼

父子親承授六韜十年不試怒衝霄  
參戎新沐君王寵萬里寧辭道路遙  
潯水月明烽火熄蒼梧雲破瘴烟消  
功成會見封侯日宣政門前插左貂

送施克和之平樂

邵寶

行盡瀟湘問吏郵青山迴處古昭州  
自知宦寓應如水誰道刑官便是秋  
身在江湖頻望闕道經岳鄂兩登樓  
三年憲召君當起莫指蒼梧賦遠遊

送施漸之平樂省親

瀟湘洞庭涵太空詩人行色在胷中  
石鐘舟畔三江月鐵笛樓前五夜風  
衡嶽鴈迴程可計蒼梧雲盡望無窮  
憑將一勺龍泉水遠向昭州壽乃翁

送朱推官

曾從天際望蒼梧西向潯州莫問途  
獄訟豈應輕郡國經綸未必負江湖  
文書散後詩還有車服臨時牒併無  
指日聽宣風憲召欝林船石又東吳



送黃司訓致政還廣西

七年潁水賦菁莪回首蒼梧奈遠何  
貞節平生親力苦武階初命弟情多  
寄書西去愁仍積迎養東來樂已過  
行不可留空悵望九疑雲盡洞庭波

都嶠山

申端

八峯高插碧雲間云是容州都嶠山  
石洞猶同天地老仙翁已去古今閒  
泉飛石上嵐光潤霞映雲端樹色斑  
無限清幽消不盡登臨此日頓忘還

思恩惠泉

湯琛

村南小阜出靈源流入城中益湛然時與生民沾惠澤  
盡知滋味敵甘泉携餅曉汲歸山徑抱甕春耕灌野田  
我有塵纓未能濯幾時相許到雲邊

橋陽新市

梁輶

鞭石為梁接路賒市廛深處有生涯柳邊烏帽題橋客  
竹外青帘賣酒家人跨虹霓金背穩商歸關闌夕陽斜  
箇中自有唐裴度不學魚鹽老歲華

獨秀晴峯

一峯高聳插香衢  
山氣空濛翠欲濡  
色借曉烟崑岫黑  
陰添晴靄樹林晡  
碧紗窻掩雲屏獨  
繡閣簾開寶釵孤  
有客參禪登絕頂  
西風回首路模糊

雙江夜月

仙源夾出碧山阿  
桂影涵秋冷素波  
玉派並流雙燕尾  
銀蟾分宿二龍窠  
千尋練帶重圍繞  
一片青銅兩地磨  
欲造星潢何地入  
試憑江伯問嫦娥

梧州同心亭

吳廷舉

危亭兀坐省吾心出入飛揚不可尋  
草洞風狂誰點綴  
天空月好自歌吟  
林間綵繡花呈色  
雲外笙簧鳥度音  
敢向邦人誇畫錦  
平生欠事海如深

過洪崖山望橫槎

海北巡行遍九場  
洪崖立馬看封疆  
一山界限東西粵  
兩水分流左右江  
疫癘不愁侵我輩  
風烟漸喜近吾鄉  
橫槎今昔逢交舊  
應有新吟和海棠

湘山寺

黃暉

南楚西來第一州  
梵王宮倚碧雲稠  
乾坤造設此佳處  
山水蟠迴無盡頭  
僧在玉壺冰裏住  
人於水月畫中遊  
登登再上雲霄立  
萬象森羅豁我眸

廣西

丁養浩

越絕天南地一陬  
萬山南去水南流  
危峯卓戟干雲上  
深箐籠烟蔽日頭  
蠻獠陸梁淹備禦  
瘴鄉凋敝足誅求  
不堪故壘登臨處  
戀闕思親總是愁

送沈養浩之任慶遠通倅養浩曾為平江伯掾參

漕計

驅馳軍國三十載晚乞一麾仍守邊淮海百年通餉道  
越山千里淨蠻烟從前已著勤王績此去應推佐郡賢  
遙想天南春雨後一江灘水候戈船

廣西鎮守太監劉昶借景亭

邊池結構非吾地乞得風光寄此身高處有天來皓月  
下臨無地著纖塵江山滿眼皆新識魚鳥忘機是故人

吏隱只今成久假肯分毫末到比鄰

送楊晉叔巡撫兩廣

王鴻儒

持憲仍兼仗鉞雄人門地望更誰同  
華資內外多敷歷  
與識圖書總貫通  
國定危疑由學士  
家傳清白自弘農  
倚恢前烈熙元化  
南服安能久滯公

贈羅宗傑尹廣西永福

李承箕

一奏朱絃一看山鳳巢  
山好鳳應還忽聞此調來天上  
肯信三苗自古頑  
草長縣門春雨過  
花飛簾幙午風閒

當關待報期年政南顧誰開聖主顏

遊湘山寺

蔣昇

閒隨玉杖看溪雲繞徑松陰護蘚紋勝地隔城纔咫尺  
中天積翠欲平分名山引望四圍合虛閣凭欄一炷燠  
物外每憐風景異漫尋芳覽散塵氛

漱玉巖

神物曾聞來隱跡飛騰變化幾多年石田有米非虛語  
崖溜成蓮豈偶然掃石留題真妙墨杖藜縱步喜隨緣



洞天有路今親到，信是人間我亦仙。

柳山書院

柳山自是人中傑，書院元從結構成。  
射飲尚存當日舊，絃歌想見昔時情。  
江山泉石真奇麗，臺榭松篁任變更。  
喜見顧君能復古，斯文千載有光聲。

漫筆示湘山僧覺靜

蔣冕

上人久住翠微岑，花竹縈紆徑路深。  
皎月寒潭參法偈，閒雲枯木識禪心。  
何時洗鉢焚香去，為我扶筇擁鼻吟。

宦鞅如今正羈束且來淪茗滌塵襟

自七里橋北至礧巖途間漫興

危橋北度日平西恣意尋幽信馬蹄  
蒼霧林邊山近遠青松石上路高低  
草鋪長縹烟橫板缺出新針水滿畦  
多謝有情雙野鳥飛來飛去向人啼

礧巖去吾郡城雖不遠顧平生未始一遊  
自去年冬仲至今年春季未半歲間乃兩獲至其地登覽之餘喜而得詩

崖當窈曲更通明似敞高軒數百楹玉黍掃空俄復積  
石田拋久可曾耕蜿蜒神物何年化黯慘寒雲盡日橫  
老去自憐無記性兩迴來往路還生

次韻遊湘山二首

寺背城闌客到稀白雲終日鎖禪扉幾人冒雪尋僧話  
何處凌空有錫飛西域路遙惟葬履南華歲久不傳衣  
三生石上誰同坐說著無生忘却歸

我愛奚囊手自提尋幽要與鶴同棲黃龍說法人天外

白馬馱經竺國西  
澗水龍從蒼蘚出  
峯巒高與碧雲齊  
興來拾得春風句  
直向懸崖石上題

再次韻二首

病久籃輿出郭稀  
誰人爲我敞嵒扉  
多情烟樹吟風嘯  
無語山禽背竹飛  
冰雪滿庭清客思  
塵埃何處著僧衣  
雨晴正好看山色  
對酒高吟暮不歸

來遊我尚記孩提  
塔頂分明鸛雀棲  
法自黃梅傳嶺外  
人從郴水住湘西  
九天月照千江白  
一樹花開五葉齊

多少古碑遭劫火姓名何用壁間題

次韻遊柳山二首

郡侯身與道相關歷世人猶姓此山名在乾坤長赫奕  
澤流湘浦亦潺湲亭臺遠近烟霞裏碑碣高低竹樹間  
民到於今歌德化清風千古孰能攀

鮮封苔磴玉稜層竹杖芒屨緩步登偉矣羣峯來拱挹  
脩然九夏失炎蒸吟邊岡阜陰晴異望裏江流晝夜澄  
西去湘山纔咫尺誰輸奇勝屬高僧

再次韻二首

新年塵事了無關  
躡屐先尋郭外山  
宣聖堂前雲漠漠  
柳侯祠下水潺潺  
春回巖壑清幽處  
人在烟霞杳靄間  
乘興欲窮千里目  
不辭扶病強躋攀

景物逢春日漸增  
近郊山不厭頻登  
雨聲未向枝頭響  
雲氣先從石上蒸  
入眼烟巒隨處好  
醒心寒澗本來澄  
詠高白雪難為和  
也付奚童寫寄僧

奉贈蔣師相敬所致仕歸湘源兼柬令兄大司徒

一首

鄭岳

力辭機柄遂歸田朝野相看意惘然直節舊嘗稱宋璟  
抗言終不負伊川三孤望重台階正八座官高棣萼聯  
相業都歸嘉靖詔他年信史有遺編

柳山書院

范軾

道學相傳宋寔昌哲人精舍結山陽斯文一脉星河粲  
遺愛三湘草木香曉日澗松留舊影春風壇杏吐新芳  
登臨更到高臺望萬壑雲烟極杳茫

金臺送賴公弼之臨桂

葉元玉

倒盡江頭碧玉卮，醉來旋賦送行詩。  
蘇湖事業歸能者，臨桂生徒得好師。  
吾道自知如此重，儒官誰謂果然卑。  
鄉情正與離情合，況值西風九月時。

春日湘山登眺

陳瑤

古剎幽岑鳥不啼，芙蓉一杖俯丹梯。  
烟花縹緲諸天近，雲樹蒼茫萬壑低。  
杯渡湘源三峽外，燈傳楚塞五陵西。  
莫愁登眺迷歸路，蘿月松陰送馬蹄。



春日湘山登眺

陳琬

氤氲香積自何年  
象外烟花逼眼鮮  
三楚晴光迢遞盡  
九疑佳氣鬱葱連  
雲開古洞龍棲穩  
月冷空山鶴倦還  
無俟鐘聲催典懺  
塵心半落夕陽前

和答姜慶遠

凡四首

何孟春

和初到慶遠

十年江海足低徊  
僻郡天高限一隈  
諭俗有方夷可化  
憂時在念酒難開  
函牛久作烹雞歎  
孤鳳誰教百鳥猜

粵地春回山更好微之想賦近蓬萊

和游北山

翠微千疊盡邊關問俗猶能到此山  
外府官尊那恨遠南荒身在未容閒  
威行木刻持循處春靄田歌縹緲間  
想得朱輪甚風采兒童拍手使君還

和練民兵

繡憶秋深課刈蒿丁年多少甲裒袍  
銅符遠拜雙魚寵刀筆兼收汗馬勞  
入穀不孤唐進士建牙誰起魏功曹

南荒此日煩經略行有霓旌下寵褒

和敵敗蠻賊

記得轅門督戰時  
琱戈鐵鉞子親麾  
風雲氣可三軍助  
文武才應兩鎮知  
南顧曾紓天子慮  
中行不忝丈人師  
勸農好及宣威後  
蠻地從今重帖犂

送張同知之任全州

京國交遊近十霜  
江鄉來過徧三湘  
青袍已謝緇塵染  
利器還教錯節嘗  
今日閭閻須撫字  
他時父老誦循良

新詩寫贈非長別獨為懷人意許長

送周成德知養利州

顧清

古松山下一城安井落參差畫裏看  
黎庶幾年占得歲  
朱幡此日快憑欄才名豈必慚諸子  
忠信由來重百蠻  
合浦明珠連乳穴大書行見石崖刊

送宗善錦衣知軍蒼梧關

王縝

鐵柱烟橫紫塞清杞園風起錦衣輕  
虎符新向蒼梧路  
棘灞先聞細柳名  
天地任從魚鳥性  
江山誰念草蕪腥

忠良共說關聲舊不用人間太白經

送蕭邦鎮之橫川守

曾於同榜識英賢忽忽於今二十年一呖飽知霜劍利  
五花新試越羅鮮清如閱道還携鶴寬似文饒不用鞭  
從此橫山應有頌滿城明月照人圓

遊南山

馬昇

梵王宮殿鬱巍哉爽氣侵人驟雨過滿徑落花鳴好鳥  
四圍修竹挂清蘿掃松坐石逢僧話對景題詩得句多

遊遍蒼崖塵自息  
筆牀茶竈伴行窩

南寧二首

王守仁

一駐南寧五月餘  
纔因送遠過僧廬  
浮屠絕壁經殘燹  
井竈沿村見廢墟  
撫恤尚慚凋敝後  
遊觀正及省耕初  
近聞襁負歸猺獞  
莫陋夷方不可居

勞矣田人莫遠迎  
瘡痍未定犬猶驚  
燹餘破屋湏先葺  
雨後荒畬莫廢耕  
歸喜逃亡來襁負  
貧憐襦袴綴旗旌  
聖朝恩澤寬如海  
甌盆魚縱爾生

謁伏波廟二首

四十年前夢裏詩此行天定豈人為  
徂征敢倚風雲陣  
所過須同時雨師尚喜遠人知  
向望却慚無術救瘡痍  
從來勝算歸廊廟恥說干戈定四夷

樓船金鼓宿烏蠻魚麗羣舟夜上灘  
月繞旌旗千嶂靜  
風傳鈴柝九溪寒  
荒夷未必先聲服  
神武由來不殺難  
想見虞廷新氣象兩階干羽五雲端

破斷藤峽

才看干羽格苗夷忽見風雷起戰旗六月徂征非得已  
一方流毒已多時遷賓玉石分須早柳慶雲霓怨莫遲  
嗟爾有司懲既往好將恩信撫遺黎

平八寨

見說韓公破此蠻貔貅十萬騎連山而今止用三千卒  
遂爾收功一月間豈是人謀能妙算偶逢天助及師還  
窮搜極討非長計須有恩威化梗頑

登春野亭

周孟中



觀風五筦已多年每至南寧眼豁然綠樹萬家依近郭  
桑麻十里接平川匙翻玉粒長腰米膾切銀絲縮項鮪  
景物于斯亦佳處甲科何患少登賢

遊仙嵒

莫禎

何代神仙此地遊地存仙去洞嵒幽龍蟠洞口雲長護  
人幻嵒邊石尚留葛令丹砂勾漏曉呂仙孤鶴洞庭秋  
何當就我青蛇去倚遍碧雲天際頭

聳雲樓

區昌

新構層樓壯邑觀飛簷高聳碧雲端  
清秋著眼海天濶午夜逼人星斗寒  
宦業未成空自感民生多難敢求安  
江湖魏闕心無限北望何堪獨倚樓

聳雲樓

李琛

撐住乾坤是此樓瘴烟蠻雨一時收  
雙眸遠括千山景四面涼生六月秋  
敢以割雞卑武邑要同馴雉表中年  
異時不用甘棠咏應倚欄干念壯猷

石巖仙隱

關弁

巖前烟樹翠微茫，洞裏乾坤歲月長。  
老鶴舞餘雲谷靜，野花開遍石壇香。  
青天白日神仙境，霽月光風太古鄉。  
聞說丹砂遺異跡，尋真幾度步斜陽。

興安道中雨行

魯鐸

輶車衝雨重，垂憶百里官程。  
若夜行澗底，新泉聞急響。  
松間餘瀝，辨清聲時更郵卒。  
聊通語數過山峯，失問名。  
遙想九龍張館長，灘江蘭棹坐空明。

靈川道中雨行次前韻

夜來雨滿興安路今日靈川未輟行  
泉底蟄龍何與事樹頭寒鳥不成聲  
僕夫沾濕能無憾甲士衝泥出有名  
萬里王程催使節豈容安坐待清明

馱泊灘聽蘆笙與張九山限韻同賦

維山別派亦仙靈吹徹滄洲俗夢醒  
羞逐闕腔鳴絕塞

直通春意到幽囹歌傳楚澤千年鳳  
暖入堯階幾葉棠淺水釣船聽正好  
秋風瑟瑟奈飄零

龍隱巖

屠浦

拂曙經過龍隱嵒嵒邊有洞一停驂  
詞章滿壁埋蒼蘚  
草樹填門滴翠嵐  
水落樽壘添逸興  
雲生几席助清談  
日斜舒笑幽亭上  
驚起潛蛟百尺潭

仙槎亭

韋 鑾

寂寂槎亭天地中  
蕭疎山色試秋容  
偶來避世尋仙境  
恨不乘槎到月宮  
幾點翠雲排鴈字  
一溪流水映芙蓉  
好懷都為西風適  
野鶴山猿笑醉翁

銅鼓灣

陳獻文

水遶灣頭銅鼓東昔年誰此寄行踪青山綠水江天小  
魚躍鳶飛眼界同蒼苳何須來謗口雲臺還好像元功  
我來矍鑠翁如在對景興思目遠峯

宴石仙橋

先代梵宮獨未淪水明花亂石埋雲野棠偏愛春歸早  
孤鶴長隨月到頻橋在不知仙去路碑殘惟見漢遺文  
尋幽訪古生平事萬化緣心似轉輪

金鼎禪蹤

懶雲叢裏鎖青山石座苔深白晝閒瘦鶴練形聲亂笛  
老猿通臂夜登壇斷碑沒字胚胎脫古井藏冰石骨寒  
誰把虛無誤留迹好將吾道破機關

蒼梧

周用

迢遙河漢臨飛樓何年天險開炎州韶石亭亭鳳鳥去  
海門宛宛蛟龍游宋帝樓船非故國越王臺殿餘荒秋  
蒼梧雲暮一回首炯炯月出城東頭

送張幼仁之梧州府

冠蓋何年覓虎丘蒼梧雲擁繡江流三吳日近應懷我  
百粵風清且建侯中夜朝衣瞻北斗舊時塵榻待南州  
方春不作梅花冷慚愧先生有敝裘

過陽朔伏荔戍東太和

徐問

桂林南下經陽朔繚繞羣山見鬱岩石洞烟雲浮古樹  
蠻江風雨送春潮乾坤著我蹤應到歲月驅人鬢易凋  
傳語鄰舟觀察使漆園書在可逍遙

送林督府平新寧還鎮二首



軍麾號號動羊城授鉞宣風仗此行謀國古推方叔壯  
律師今識大人貞鯨鯢不鼓滄溟浪狐兔潛逃草木兵  
此日君王緩南顧巖廊虛佇看昇平

廣藩從識舊衣冠扶杖迎門父老看分典六師牙角靜  
獨申三令雪霜寒蕭疎鬚為憂民白慷慨心緣報主丹  
從此西南訖聲教頌言聊備采風官

和太和再至梧州

我行百粵天應盡北指浮雲是日邊春意不緣荒戍隔

官曹常得故人連  
晴川水閣魚龍喜  
瘴嶺烟消虎豹眠  
便欲循湘從此去  
南山東望思悠悠

題安遠橋

楊英淑

百尺危橋俯碧流  
汀蘭岸芷接芳洲  
倚欄長笑江天暮  
拭目遙觀海宇秋  
幾點漁燈浮水面  
數聲樵笛過橋頭  
獨憐身在炎荒遠  
常有丹心戀帝州

可勝蒼翠晚重重  
喜有神洋赴海東  
華表烟籠棲白鶴  
碧溪春暖跨長虹  
瑞泉發洩當昌運  
靈讖流傳自老翁

從此鬱林雲物好拍天風浪起魚龍

送沈大理錄囚桂林

張邦奇

桂水元戎初獻績潞河仙使正浮槎青春伴邈三湘月  
黃鳥催看五嶺花莫問貪殘狼子性最堪矜恤遠人家  
東吳桑梓重經地雲錦翩躚日未斜

蔣敬所少傅歸湘次韻

廖道南

碧嶂香泉繞石田仙翁歸興轉飄然杓回北斗星文動  
帆落南湘樹影懸五嶺春深聞鴈少兩江秋冷有龍眠

向來星履烟霄外煉石心勞為補天

奉和顧憲副梧州謁都憲韓公祠堂

祝允明

拔地洪材構帝家倚天雄畧眇蟲沙誠歸魏闕心懸石

血飲

闕

膽破瓜半夜崑崙樞密宴三言薏苡伏波車

當時利口今何在老樹闕祠日又斜

蒼梧道中

停杯漫說蒼梧路水急峰高鳥道微薄午枕林猶宿霧

深秋稚子只單衣連宵警柝村墟迴隔岸猺山草木肥  
慚愧為儒無短劍倚蓬時看白鷗飛

謁韓都憲祠

吳中豪傑如公少嶺表勲名近代稀野老口能傳偉績  
猺人心尚伏餘威新祠喜占蒼梧勝過烏猶驚白羽揮  
愧我辨香來太晚瘴烟枕樹澹斜暉

山棗驛夜坐

嚴嵩

泝嶺路岐仍渺渺拍林風雨更朝朝清溪傍竹聽蕭瑟

小驛燃燈坐寂寥  
湘浦葉飛驚歲晚  
鈴山家在憶書遙  
垂垂一樹梅花白  
賴爾能將旅思消

宿深溪館

湘舉風物晚淒淒  
候館星輶日向西  
白屋扉臨一水靜  
蒼山路入萬松迷  
寒衝毒霧沾衣潤  
暝坐幽篁颭雨低  
不見此中猿鶴侶  
恐棲蘿月在深溪

白竹鋪

午飯車停白竹鋪  
寒旌馬度黃茅岡  
江分二水湘灘外

路遶孤城雨雪傍蠻洞雲霞隱僻絕野田松竹連青蒼  
遙看溪嶂憐佳境却畏風烟歎異鄉

晨觀風洞登疊綵樓歷拱辰亭亭為鎮守傳中貴  
所創嵒巒竒聳千里在目諸巡院有詩予輒次  
韻是日介行登賦不盡興也

孤亭絕嶂倚南天碧樹蒼崖共莽然八桂雲山供作賦  
羣公尊俎坐籌邊嚴城鼓角傳清曙落日帆檣出斷烟  
王事未能窮勝覽北風搖楫下西川

蒼茫寒霧起遙天歲晏憑高思渺然夜發仙槎南斗外  
春瞻御座綵雲邊湘源水色浮晴雪桂嶺花枝拂瘴烟  
莫怪題詩惜幽賞子長竒興在山川

暮次靈川懷寄大參師舜憲副天益二鄉丈

天南歲晚更依依朔雪寒雲遶樹飛投館驚看風土異  
臨觴悵惜故人違情同灘水仍西注身似春鴻向北歸  
想見郵亭頻駐馬獨吟千嶂已斜暉

他鄉相見故人稀聽唱驪歌欲濕衣酌酒猶臨碧水坐



雨興空指暮林歸  
池臺月浸薇堂影  
繡斧霜傳桂嶺威  
長路題書祝餐飯  
壯圖勲業莫相違

除夕全州少司徒梅軒蔣公邀集少傅敬所公之  
兄也致政宮傅張公涇川在坐有詩次韻二首

除日他鄉倍憶家  
聚星高會轉宜誇  
能堪黃閣留賓席  
正賴清尊遣歲華  
青蕙色凌階下雪  
玉梅香破臘前花  
烟霜旅棹催晨發  
已報春風動水涯

臺閣勲名重帝家  
不因榮盛有矜誇  
那知守歲逢椒頌

却喜登堂咏棣華  
吟就謝池憐夢草  
醉歸唐苑憶看花  
履端更有明朝慶  
皇澤春陽總未涯

送陳子文赴廣西

顧璘

八桂西瞻岳牧尊  
使君持節下湘源  
星巖風峒山殊秀  
雪片霜華地不暄  
永日賦詩薇閣靜  
青春行部繡旗翻  
從來遠地多名宦  
銅柱猶聞頌馬援

遊龍巖

龍飛何日起蒼岑  
洞壑蜿蜒窟宅深  
玉乳垂花春不盡

石田承雨晝長陰盤雲座古留仙迹流水聲寒淨客心  
擬約東風重載酒碧桃迷路恐難尋

出灌江峽

羣山高束灌江流雪浪清秋灑客舟古木倒垂雲上下  
亂灘交瀉石沉浮猖狂阮籍窮途哭浩蕩王陽度坂愁  
料乏雲臺酬馬革願攜霜鬢老狐丘

全州唐宗周文世範訪于芝城行臺

雪後扁舟撥棹來湘江何減剡溪懷燈前軟語濃於酒

庭下春光早報梅棠樹尚留聽訟處柳山長憶讀書臺  
殷勤白首相逢地不盡行臺五夜杯

八月一日舟下灘江

時赴役場屋

雲間千壑瀉灘川日下孤帆出曉烟萬里行踪始安嶺  
九秋晴望沈寥天江山故作殊方色道路今酬逐客緣  
風洞星巖應可到還家贏得故人憐

華山舜祠

隱隱蒼梧映郭門滔滔江水抱山根羣峰獨捧重華廟

大地誰言五嶽尊  
雲暗九疑迷葬地  
月明孤竹見啼痕  
長將澗藻修寅祀  
願就琴薰仰德溫

磐石秋望

信美江山映郭西  
清秋羈客思淒淒  
黑波跳雨蛟龍鬪  
蒼峽摧雲虎豹啼  
萬里辭家饒白髮  
一丘歸卧有黃蘄  
蠻烟毒霧傷心地  
馬援何因到五溪

連陪諸公柳山春遊

湘州城北古堂幽  
十日春晴兩度遊  
山畔數亭俱可醉

林間孤澗亦銷憂巖巖氣色迎車發草樹風光繞郭浮  
況與羣公倍勝餞豈輸山簡習池頭

春雪初晴翔鳳樓春烟已颺賞花眸江山面面因亭勝  
物色年年賴酒酬異代風流如昨日幾人遷放得滄洲  
柳絲桃萼參差暖堂上疎簾漸可鉤

答孟望之侍御時謫桂林郡博

燕臺對酒感離羣麓口移舟更失君萬里飄零同落葉  
孤城惆悵乍停雲書迴桂水交情切人對星巖藻思芬

遙想高齋長隱几應憐案牘日紛紜

再答孟侍御期予入桂林之作

春風桂嶺憶同遊臘雪湘江獨倚樓  
星漢依微天北極歲華搖落水東流  
山藏散吏衣冠懶雲掩荒城鼓角愁  
正欲望君驄馬色緱蘭塞芷共淹留

磐石崖下泛舟

磐石江頭景殊絕放舟幽興幾人同  
風飄鼓角晴波外雨洗峯巒夕照中  
狼藉柳樽浮酒白清冷冰碗削瓜紅

尋僧更訪山腰閣半醉題詩峭壁東

九日登柳山

佳節登臨感歲華蒼梧雲影向秋賒  
高空獨鶴翻風去返照澄江抱郭斜  
南國音書催白鴈東籬歸興倚黃花  
衰遲自愛茱萸酒瘴癘誰悲薏苡車

湘山初遊

湘國湘山天下稀青春幽覽歷巖扉  
雲疎列岫攢空起雨歇新泉出樹飛  
石勢參差依酒案佛香清淨繞人衣



南遷得就長歌地不用憑高歎未歸

得徐伯雨太平書奉答

殘臘江門望使車新春忽枉麗江書嗟予已作三江別  
念爾那堪萬里餘絕域風烟居暫定深山官府自應疎  
絕憐雅興耽詩律滿紙瓊瑤愧不如

聞顧華玉謫全州二首

朱應登

除日遙遙度陝來愁心忽忽為君開上書已白鄒陽獄  
理郡重煩顧況才粵俗定知能揖讓塞翁何事更徘徊

全州六月多炎酷應有飛霜解鬱懷

南中郡檄非嚴譴白下萊衣得便歸但使柳侯能變俗  
莫言陶令早知幾傷心絕塞一揮淚回首高天空落暉  
已卜禾田堪種秫耦耕他日豈相違

送顧華玉謫全州

王韋

踟躕溪上暫停驂欲話離言不可攀世事日惟添白髮  
宦情時復夢青山乍寒燕谷鶯無語細雨湘江竹有斑  
此去西堂春至後擬開樽酒待君還

人日答顧全州以詩見邀

孟洋

人日風光春興幽封書遠寄顧全州江邊五馬虛相待  
剡上孤舟可自由已向殊方憐共逐猶慚薄祿阻同遊  
烟門新柳垂垂色月嶺哀猿夜夜愁

次韻答周刑侍見和桂林之作

除夜俄逢繫綵舟新年重喜接風流春烟坐對晴江樹  
霧雨心驚瘴海樓聊假清尊驅別恨却緣華髮動羈愁  
青山二月啼鶯徧水外花邊共爾遊

答顧全州華玉寄書

全州書謂余為浮湘佳侶至麓口知余舟方過數日  
追之不及失良晤云余出京景內翰伯時有湘南逢  
顧況之句今乃弗果已因憶唐宋之問端州驛題壁  
作甚類我二人又全州過豫章李獻吉附寄余詩簡  
慨然咏此以答全州

並向明時作放臣殊方本擬日相親蘭舟空喜浮湘侶  
桂嶺悲看對月人太守書來知駐節崆峒書至益沾巾

湘南顧況今虛語岐路南中事更真

答顧全州華玉見貽

隱几高齋冬日深叩門何處素書臨美人近隔清湘水  
使者空傳白雪吟邊嶠梅花愁聽角郡庭榕樹憶鳴琴  
春風好慰同遊興夜月應憐異地心

九日遊風洞山

九日獨登風洞閣萬峯疊擁靖江城烟中臺殿浮秋色  
天畔松杉落雨聲黃菊野開孤客淚蒼梧水繞二妃情

心懷往歲承恩宴腸斷斜陽望帝京

游湘山寺

雲裏孤亭落翠微林間寶剎隱光輝  
寒鐘寂寂秋花細碧殿陰陰古木稀  
望極烟霞流遠壑行深薜荔引重扉  
却悲塵迹同流水聊復高吟傍落暉

吳廣文赴天河

文星昨夜近天河江上朝逢鄭老過  
雨積山城歸燕少春殘沙浦落花多  
藏身散吏慚予並回首孤帆奈爾何

誰謂遠方皆鼓角夷鄉從此聽絃歌

寄孟御史謫桂林教授

李夢陽

長沙賈誼君仍遠南涉三湘復九疑  
虎豹深山聊澤霧蛟龍得雨固須時  
行藏學閣蒼梧夕鼓角夷城白髮悲  
悵望適荆心豈忝飄零極海翅非垂

龍州歌送沈編修使安南

龍州南接六那溪白鷗黑猿相間啼  
烏蠻灘頭苦竹密伏波廟前春日西  
揚旌走馬迎天使擁節封王壯漢儀

試向殊邦觀禮樂交南元是舊邊陲

送梅軒蔣司徒致仕歸湘源二首 邊貢

司徒才到古稀年便著荷衣上釣船  
隨處燕遊真自樂此生名壽是雙全  
湘源旅夢青楓外建業歸心白鴈前  
留取送行車馬數後時收拾畫圖傳

奕奕家聲遠近知士林誰不仰連枝  
三台八座同昇地綠野青山獨往時  
草制即煩親弟手賜環真荷哲王私  
江湖廊廟俱傷別萬里秋風兩鬢絲



送蔣用爵宰柳城

朱哀

墨綬銅章百里權，提封舊說漢山川。  
花開定與河陽似，琴奏應於子賤憐。  
青箬綠荷民用具，黃蕉丹荔祀供全。  
鬱林片石休言重，洗眼東歸江上船。

奉贈胡汝重使廣右

使君書屋祝融南，畫鷁薰風意正酣。  
湖曲雨餘行六六，峯高雲外見三三。  
旌旄此去春應徧，勲業年來我獨慚。  
月寄錦囊月一紙，誦君詩亦面君談。

奉餞吾師孫微菴赴蒼梧學

十年不與後堂春  
春借摠衣喜照鄰  
行色那堪天復遠  
還鄉誰信道長貧  
詩當衡岳篇篇好  
興入蒼梧事事新  
却羨芹馨萱亦艷  
姜詩真足慰慈親

橫州馬伏波祠

潘希曾

烏蠻灘上伏波祠  
萬里南來酹一卮  
薏苡不妨成貝錦  
功名終許勒宗彝  
雲連草樹疑精爽  
地雜華夷仰護持  
屈指雲臺舊時將  
幾人廟食尚天涯

送傅大行奉使廣西

毛伯溫

三年晝漏承楓陛  
萬里皇華出桂林  
匹馬輕塵衝曉路  
亂蟬高樹雜秋砧  
過家綵服堪娛戲  
去國輶車莫滯淫  
好述民風為疏草  
歸朝一奏九重深

陳南畝以大參銜居田州府討賊喜而遠寄

周廷用

昔年姻婭過逢地  
此日東西歎索羣  
符節自天催使者  
戈船下瀨候將軍  
秋風畫省談兵法  
月夜星營拂劔文

百粵功成須早報莫令翹首望長雲

送孟望之謫桂林

孫繼芳

冠蓋諸賢盛帝州一章何事獨南流  
行悲客路少青鬚別憶親闡雙白頭  
柳拂河津烟景麗月明湘水浪花浮  
扁舟重過三閭廟定有新編續遠遊

送章樸菴同寅出判蒼梧

萬鏜

功名久不入君眼此去知君未足悲  
茅塞更誰為我拔柳條曾莫縮人離  
湘江暝色偏宜飲桂嶺竒觀合有詩

驥足自輕千里駕好音側耳慰相思

送劉君衡仲提學廣西

聖道皇風齊遠邇遙遙嶺海著公身已占南斗驅文瘴  
更信西方有美人銓部足增儒價重春官初轉化機新  
柳州事業終凡近千古宣成迹未湮

桂林有感

閔珪

桂林春曉雨初收嗟我重來兩鬢秋世事難於登蜀道  
客情猶似望并州千金日費勞供億萬馬雲屯在運籌

芳草不知民力困東風綠遍訾家洲

龍隱巖

此地何年隕七星秦鞭不到靖江汀  
潭湫龍隱猶遺迹  
峰頂鸞驂尚有亭一洞松雲春藹藹  
半巖花雨晝冥冥  
題詩不用紗籠護掃破莓苔幾點青

桂林諸葛亭

沈銳

天心恢復漢封疆丞相孤忠日月光  
千里信符通粵徼  
百年遺恨失荆襄錦官城下桑田變  
寶積峰巔草樹香

休德在人存廟祀虞山曉色並蒼蒼

武靖州舊城

甘振

江上浮雲宿雨晴中原誰復誓澄清虎符此日千金重  
雉堞何時百堵成要使粵人知漢德終令南土識天聲  
從今紀得經行處野水孤帆夕照明

黔江

晚風吹渡祖生舟意氣終當肅九秋黃帽刺船驚水府  
錦袍腰箭落旄頭斷藤峽破詩留石細柳軍回劍倚樓

西望不勝成激烈兩江橫截似襟喉

鎮遠樓落成時正德乙亥重九日房參戎拉予登  
酌公創建甚多此其一

竹杖芒鞋快此遊人間好景是清秋平生彭澤東籬酒  
今日潯陽鎮遠樓鼓角吹殘霜月冷金湯隔斷瘴烟收  
折衝樽俎英雄事剛道輸公第一籌

粵西詩載卷十六